




欽定六部處分則例卷二十五目錄

催徵

徵收限期

上下兩忙錢糧責成藩司

奏銷限期

正項錢糧全完議敘

地丁錢糧初參

地丁錢糧二參

耗羨銀兩隨正報解

直隸省旗地租銀

直隸省撥補餘地租銀

山西五旗牧廠餘地租銀

浙江蕭山等縣牧地租錢

漕白正糧並輕齋等項錢糧

江浙兩省應徵行月車夫等款

江蘇省民折官辦漕糧

漕糧改折銀兩

屯田津貼餘租銀兩

廣東官築屯田租項

徐淮臨德等倉錢糧

江蘇省額徵本色米豆

山西大朔等府廳應徵米豆

山西渾津黑河等處應徵糧石

盛京旗地應徵米豆草束

盛京各城官兵隨缺地租

盛京官莊應徵棉花鹽糧

吉林屯田應徵租錢

催徵南米

蘆課等項錢糧

滋生地畝等項租銀

內務府生息地租銀兩

寄莊錢糧

署印官員錢糧處分

接徵接催官員錢糧處分

錢糧參限將滿不准調署別缺

蠲緩錢糧合計分數

分賠代賠錢糧減等議結

錢糧續報全完

帶徵積欠

藩司督催帶徵錢糧年終彙案比較

蘇松常鎮四屬接徵舊欠專條

承追雜項錢糧

完糧不給印串

嚴禁各省官墊民欠差墊積弊

錢糧加派預徵

錢糧誑稱民欠

錢糧捏報全完

貪派漕書

紳衿包攬錢糧

目兵書吏抗糧

拏解侵糧抗糧人犯



欽定六部處分則例卷二十五

催徵

徵收限期

一地丁錢糧限二月開徵

雲南貴州二省九月開徵

四月完半

陝西四川二省六月完半○凡錢糧在一兩以下准緩至八月全完

五月停忙八月接徵

福建省七月接徵山東河南二省暨安徽之盧鳳潁泗六七兩月聽民完納

十一月全完

雲南貴州二省次年二月全完

一漕糧經徵州縣於十月開倉十二月兌完依次起運

上下兩忙錢糧責成藩司

新增

一直省布政使督催錢糧合計所屬各上忙解完至三分下忙解完至五分者免其議處上忙完不及三分者罰俸一年下忙完不及五分者降一級留任如上忙完不及三分業經議處下忙五分以上全完將上忙議處之案查銷毋庸給予議敘上忙解完至三分以上者給予紀錄二次下忙完不及五分即將上忙議敘之案查銷再予以罰俸一年如上忙議敘業經另案銷去即將該員仍議以罰俸二年上忙三分以上全完給予紀錄二次下忙又五分以上全完再給予加一級上忙下忙八分俱已全完其餘二分復能於奏銷前掃數全完總計所屬錢糧不及五十萬兩者加一級五十萬兩以上者加二級

一百萬兩以上者加三級儻所屬州縣有一處不能於奏銷前全完者即不准總計併邀議敘咸豐二年四月初九日戶部會議奏定

奏銷限期

一地丁奏銷直隸山東山西河南陝西甘肅限次年四月奉天安徽浙江江西湖北湖南江南之蘇州藩司限次年五月福建四川廣東廣西雲南貴州江南之江寧藩司限次年六月山西之大同朔平二府屬經徵米豆於次年年底奏銷如該督撫因公不能依限准其具題請展

一漕糧及行月米石總漕衙門於隔年三月奏銷

行月米石另爲一冊

一漕倉奏銷德州徐州二倉限次年五月淮安鳳陽江寧三倉限次年六月臨清倉係山東巡撫專管錢糧於扣滿一年奏銷完欠者成於年底奏銷

一各省到通漕糧并江浙白糧二奏銷倉場衙門於次年五月具題

一各省地丁奏銷該督撫照依例定月分於是月底具題若督撫並未因公奏展或司道府州縣先已違限至有遲逾卽令據實開報照例議處

新增

正項錢糧全完議敘

一江蘇省蘇松常鎮所屬賦繁州縣并直省各州縣官經徵一應起運本年有分數錢糧除銀數不及三百兩全完者無庸議敘其自三百兩以上未及一萬兩於奏銷前全完者紀錄一次一萬兩以上全完者紀錄二次二萬兩以上全完者紀錄三次三萬兩以上全完者加一級五萬兩以上全完者加二級八九十萬兩以上全完者不論俸滿卽陞

一一官經徵分數錢糧能每年於奏銷前全完應於照常議敘之外量加優敘如數在三百兩至二萬兩以上係直省各州縣一官經徵三年於奏銷前全完者卽准其加一級係蘇松各屬賦繁州縣一官經徵三年於奏銷前全完者卽准其不論俸滿卽陞其數在三萬兩以上一官經徵三年於奏銷前全完及數在五萬兩以上一官經徵兩年於奏銷前全完者亦俱准其不論俸滿卽陞務令該督撫覈實咨部不得率將參後續完之案混行併計其兩年三年之內或遇蠲緩年分並非十分全完或本員適有差委離任事故並非一官全完卽將是年扣除俟續有一手徵完之年准其前後接算聲請議敘若該員雖於本年經徵全完而次年在任不能經徵全完者止准給予照常議敘不准再以前後接算

一督催之知府直隸州知州及經管錢糧道員各計所屬不及五萬兩全完者紀錄二次五萬兩以上全完者紀錄三次十萬兩以上全完者加一級二十萬兩以上全完者加二級督催之布政使統計所屬

不及五十萬兩全完者紀錄二次五十萬兩以上全完者加一級一百萬兩以上全完者加二級如所屬州縣有一處於參後全完者即不准併計議敘○其衛所屯糧經徵之經歷等官全完者照州縣例議敘督催之同知通判等官全完者照府州例議敘

一署印官經徵錢糧全完按其一年二年三年照例分別議敘

一直省州縣官經徵本年錢糧全完經該督撫以催科勤奮奏請給予虛銜頂戴奉 旨允准者即欽

遵辦理註冊其有保奏官階者仍應詳查戶部分別年分額數如與例未符即行聲明請 旨恭候

欽定

一一官經徵分數錢糧能每年於奏銷前全完應於照常議敘之外量加優敘其數在三萬兩或十萬兩以上係直省州縣一官經徵六年於奏銷前全完者准該督撫奏請送部引 見九年於奏銷前全完者准其指定應升之階保奏免其送部引 見係蘇松常鎮各屬一官經徵四年於奏銷前全完者准該督撫奏請送部引 見六年於奏銷前全完者准其指定應升之階保奏免其送部引 見俱令該督核實查辦明如有參後續完及蠲緩不及十分或年限內間有徵不足數或前案曾經優敘者均不得牽混合計道光二十九年二月二十日奏定

地丁錢糧初參

一地丁錢糧經徵州縣官欠不及一分者停其陞轉罰俸一年欠一分者降職一級欠二分者降職二級欠三分者降職三級欠四分者降職四級俱令戴罪徵收俱公罪欠五分以上者革職公罪○直隸州知州經徵本州錢糧初參亦照此例處分

一布政使知府直隸州知州經管錢糧道員合計所屬初參欠不及一分者停其陞轉罰俸六個月欠一分者罰俸一年欠二分者降職一級欠三分者降職二級欠四分者降職三級欠五分者降職四級俱令戴罪督催俱公罪欠六分以上者革職公罪

一巡撫合計通省所屬初參欠不及一分者停其陞轉罰俸三個月欠一分者罰俸一年欠二分者降職二級欠三分者降職一級欠四分者降職二級欠五分者降職三級欠六分者降職四級俱令戴罪督催俱公罪欠七分以上者革職公罪其直隸總督四川總督兼管甘肅巡撫之陝甘總督順天府府尹奉

天府府尹督催未完俱照巡撫例查議

地丁錢糧二參

一直省地丁漕項并直隸旗租等項錢糧經徵之州縣衛所官員及督催各上司均自本省奏銷限滿初

參具題之日起再限三個月作為二參起限日期其二參屆滿不完者仍照原例限期參處直隸河南雲南等省二參限期係次年正月初一日為始扣滿一年如仍不完即於奏銷案內以二參揭報開參議處

一地丁錢糧州縣官被參後再限一年徵收限滿不完不復另作分數即照原參分數處分原欠不及一分年限內不全完者降一級留任公罪再限一年催徵如又不完照所降之級調用公罪原欠一分年

限內不全完者降三級調用公罪

若於年限內能上緊催徵僅止一二釐未完者改為降三級留任再

限一年催徵如又不完照所降之級調用公罪

原欠二分年限內不全完者降四級調用原欠三分年

限內不全完者降五級調用原欠四分以上年限內不全完者革職俱公罪

○直隸州知州經徵本州錢

糧參後未完亦照此例處分

一巡撫被參後再限二年催徵布政使經管錢糧道員知府直隸州知州被參後再限一年半催徵原欠

不及一分年限內不全完者降一級戴罪督催再限內不全完者降二級戴罪督催三限內仍不全完

者降三級調用公罪

其原欠一分至四分以上限內不全完者俱照州縣例處分

一巡撫司道府州所屬衛所官員原欠不及一分限滿不全完者降一級戴罪督催再限內仍不全完者

降一級調用 公罪

一巡撫等官督催錢糧二次年限已滿該撫不將本任原參分數并司道府州等官分數查參者經部查出照原參處分加等議處

一道光十二年三月初三日准戶部咨稱直隸總督琦善以查直隸省地糧旗租向以各本年正月初一日起至年底止爲初參一年之限期其二參限期卽於次年正月初一日爲始扣滿一年如仍不完卽於奏銷案內以二參揭報歷久遵循辦理今該督咨請將二參限期酌改之處查該省各州縣經徵地糧旗租自嘉慶十六年定例後該省二參限期仍照舊章辦理自因地糧旗租均關緊要未便轉寬再查河南雲南等省二參限期亦與該省現辦章程無異且相沿已久咨請酌改之處應毋庸議 新增

耗羨銀兩隨正報解

一各州縣經徵耗羨銀兩務與地丁正項隨同報解若有未完照正項錢糧之例按其未完分數覈參議處

直隸省旗地租銀

一直隸旗租銀兩

自嘉慶六年清查以後

凡本年應徵旗租及每年帶徵分數未經全完經徵州縣並督催之院司

道府直隸廳州以及接徵接催各員初參二參處分均照地丁錢糧例辦理  
嘉慶六年以前仍照舊例議處  
銷前全完亦照地丁錢糧例議敘

一遇災歉帶徵銀兩限滿不完均按未完分數一體查參

直隸省撥補餘地租銀

一直隸順德永平保定河間等屬撥補餘地租銀經徵官欠不及一分者停陞徵收欠一分者罰俸三個月二分者罰俸六個月三分者罰俸一年四分者降俸一級五分者降俸二級六分者降職一級七分者降職二級八分者降職三級九分者降職四級俱令戴罪徵收停其陞轉俱公完日開復欠十分者

職革公罪布政使道員知府欠不及一分者免議欠一分者罰俸兩個月二分者罰俸三個月三分者

罰俸六個月四分者罰俸一年五分者降俸一級六分者降俸二級七分者降職一級八分者降職二級九分者降職三級十分者降職四級俱令戴罪督催停其陞轉俱公完日開復

一總督欠不及一分者免議欠一分二分者罰俸兩個月三分者罰俸三個月四分者罰俸六個月五分

者罰俸一年六分者降俸一級七分者降俸二級八分者降職一級九分以上者降職二級俱令戴罪

督催停其陞轉俱公完日開復

一署印官欠不及一分者免議欠一分二分者罰俸兩個月三分四分者罰俸三個月五分六分者罰俸

六個月七分八分者罰俸九個月九分者罰俸一年十分者降一級調用

俱公罪

署印不及一月者免議

一州縣官被參後限一年徵完如限滿不完原欠不及一分者罰俸九個月一分二分者降二級調用三

分四分者降三級調用五分六分者降四級調用七分八分者降五級調用九分十分者革職

俱公罪

一總督被參後限二年全完布政使道員知府被參後限一年半全完如限滿不完原欠不及一分者罰

俸六個月一分二分者降一級調用三分四分者降二級調用五分六分者降三級調用七分八分者

降四級調用九分十分者降五級調用

俱公罪

一餘地租銀有餘地在彼州縣撥補而租銀應歸此州縣徵收者卽令餘地坐落之州縣官代爲催徵如

該州縣官不行文代徵州縣催徵及有拖欠又不申報上司者卽將拖欠租銀歸入此州縣正項錢糧

內一并作爲分數議處已行文已申報者免議

### 山西五旗牧廠餘地租銀

一山西右衛五旗牧廠餘地應徵租銀照地丁錢糧例按限徵收另冊題銷經徵之和林格爾清水河二

通判催督之歸綏道及巡撫布政使均照大同朔平二府米豆奏銷之例按其完欠分數初參復參分

別議處

浙江蕭山等縣牧地租錢

一浙江蕭山等縣牧廠地租錢文係爲滿營孤寡養贍之需定限於本年九月開徵次年四月全完照地丁正項錢糧例於五月報銷依限全完者照例請敘如有未完卽按分數查參仍將未完錢文著落經徵之員賠繳

漕白正糧並輕齋等項錢糧

一各省漕白正糧經徵之州縣衛所及督催之糧道知府直隸州知州各官初參二參俱照地丁錢糧例作爲十分考成布政使無催漕之責免其參處

一巡撫初參欠一二分者罰俸三個月三分者罰俸六個月四分者罰俸一年五分者降俸一級六分者降俸二級七分者降職一級八分者降職二級俱令戴罪督催俱公罪二參限滿不完照地丁錢糧二參

例議處

一隨漕輕齋等項錢糧俱照漕白正糧之例處分

江浙兩省應徵行月車夫等款

一江南有漕州縣每年應徵行月錢糧於十月內先以大分完解道庫給丁濟運如不足六分之數有誤  
支放者卽行咨參將經徵之州縣官罰俸六個月再限三個月完解公罪如尙不完罰俸一年公罪若  
至奏銷時仍有拖欠卽作爲十分考成議處○其浙江省嘉興湖州二府催徵白糧項下車夫等款錢  
糧亦照此例行

### 江蘇省民折官辦漕糧

一江蘇省所屬清河桃源宿遷阜寧海州贛榆沭陽嘉定寶山等九州縣民折官辦漕糧每年十月內按  
該地產米時價於司道庫領銀採買起運十一月內於民戶攤徵次年二月以前徵完分解歸款如有  
未完將催徵不力職名覈明分數隨同地丁正項於奏銷時另冊開參照漕糧未完分數例議處

### 漕糧改折銀兩

一漕糧遇改折之年所折銀兩限文到六個月內全完如有不完督催之巡撫布政使糧道府州及經徵  
州縣等官俱照地丁錢糧初參例議處將未完銀兩再限六個月完結限內又不能完照地丁錢糧二  
參例議處

### 屯田津貼餘租銀兩

一屯田鉅糧本係衛所徵收者其津貼餘租銀兩卽由衛所隨正徵收如裁衛歸併州縣徵收者其津貼餘租銀兩卽由該州縣隨正徵收如有未完將州縣官照地丁錢糧例按其分數分別議處

廣東官築屯田租項

新增

一廣東官築屯田租項由虎門同知專管催收如有拖欠照地丁錢糧例按其分數分別議處

本卷例載道光

二十六年十月二十七日奏定

徐淮臨德等倉錢糧

一徐淮臨德等倉錢糧經徽州縣官欠不及一分者停陞徵收欠一分者罰俸六個月二分者罰俸一年三分者降俸一級四分者降俸二級五分者降職一級六分者降職二級七分者降職三級八分者降職四級俱令戴罪徵收停其陞轉

俱公罪

完日開復欠九分十分者革職

公罪

一布政使經管錢糧道員知府直隸州知州欠不及一分者停陞督催欠一分者罰俸三個月二分者罰俸六個月三分者罰俸一年四分者降俸一級五分者降俸二級六分者降職一級七分者降職二級

八分者降職三級九分者降職四級俱令戴罪督催停其陞轉

俱公罪

完日開復欠十分者革職

公罪

一巡撫欠不及一分者停陞督催欠一分二分者罰俸三個月三分者罰俸六個月四分者罰俸一年五